



Hapšenje po međunarodnoj interpolovoj potjernici iz Pariza U Banjoj Luci pao sin “kralja džeparoša”

Nusret Hamidović priveden po potrazi koju je za njim raspisao francuski Okružni sud Chartres zbog izdržavanja zatvorske kazne od pet mjeseci. Dio je lanca koji se bavi trgovinom ljudi

Nusret Hamidović (36) iz Zagreba uhapšen je u četvrtak u Banjoj Luci u Vidovdanskoj ulici na osnovu međunarodne potjernice koju je za njim raspisao Interpol u Parizu. Hamidoviću se na teret stavlja krivično djelo trgovine ljudima na štetu više osoba koje je definirano po odredbama krivičnog zakona Republike Francuske.

Ekstradicioni pritvor

U petak u ranim jutarnjim satima, Hamidović je predat u nadležnost Suda BiH te je odmah i održano ročište za njegovo izručenje koje zahtijeva Francuska.

Osumnjičenom je određen ekstradicioni pritvor koji može trajati najviše 18 dana, odnosno do 31. januara, a za njim traga Okružni sud Chartres zbog izdržavanja kazne zatvora od pet mjeseci na koju je osuđen zbog krivičnih djela učestvovanja u kriminalnoj organizaciji sa ciljem pripreme krivičnih djela i krivičnog djela trgovine ljudima - rečeno je za Faktor u Sudu BiH.

Inače, Nusret Hamidović je sin takozvanog “kralja



Dio klana Hamidovića još ranije uhapsili pripadnici SIPA-e

džeparoša” Fehima Hamidovića, te je i on dio kriminalne grupe koja se bavi trgovinom ljudima, odnosno koja je djevojke iz BiH odvodila u zemlje Zapadne Evrope i tjerala ih da za njih prose.

Kriminalna grupa Hamidovića otkrivena je u akciji “CD” Agencije za istrage i

zaštitu SIPA-e i francuske policije koja je provedena u junu prošle godine.

Tada su uhapšena druga dva Fehimova sina Denis (21) i Toni Hamidović (24), te Elvis Salčinović (39) i Luka Hrustić (23). Njima je na teret stavljeno da su djevojke iz BiH vodili u Francusku, gdje su ih primoravali da za njih džepare, a na taj način su zaradili više od dva miliona eura.

Prilikom njihovog hapšenja u Zenici je pronađen veliki broj djece nepoznatog identiteta i staratelja.

Evropska mreža džeparoša

Oni su imali razgranatu mrežu džeparoša širom Evrope,

a istražne agencije vjeruju da je u posljednjih 10 godina pod njihovom kontrolom bilo više od 500 maloljetnika, uglavnom Roma s prostora bivše Jugoslavije. Klan je bio veoma dobro organizovan i pod svojom kontrolom imali su na stotine maloljetnih džeparoša, uglavnom djevojčica.

Te frapantne podatke su tokom suđenja Fehimu Hamidoviću (62), u završnim riječima iznijeli tužioci u Francuskoj koji su rukovodili istragom protiv zloglasnog klana Hamidović. Osim u Francuskoj, klan je svoje ogranke imao u Austriji, Italiji, Belgiji i Španiji, što potvrđuju desetine racija, ali i presuda u tim zemljama. E. F.

EKSPLOZIJA U LUKOVOM POLJU

Bomba na kuću Hamidovića

Na kuću porodice Hamidović koja se nalazi u zeničkom naselju Lukovo Polje prije samo nekoliko dana bačena je bomba i to iz vozila u pokretu. Niko nije povrijeđen, dok je nastala materijalna šteta na kući i jednom parkiranoj automobilu.